

Plumalhon

Mai de 2000

N° 42



MAINATGES D'ÒC



Lo pòtto de Bosman

Dins los arbres de la forèst eqüatoriala africana, demòra un animal plan discrèt : lo pòtto de Bosman.

Arrapat a sa branca, lo pòtto passa tot lo jorn a dormir. Es un animal de nuèch e comença son activitat pas que se fa escur. Alara se'n va cercar la frucha qu'es la basa de son alimentacion.

Aquel pichòt primat qu'al mai, fa 45 centimètres de longor, de còps, l'apèlan « pigre », « peresós » a causa de sos moviments plan lents. A lo pel sul marron-ros, es espés e pòt cambiar de color segon l'endrech ont demòra. A la boca pichona e los uèlhs plan gròsses.

Fa pas bon lo tirar de sa branca. S'arrapa fèrme per que a bravament de fòrça. Lo det guinhaire de sa man es atrofiat e sens onglas. Sembla aver pas que quatre dets.



Aital se muda de branca en branca, a un trenenat de mètres del sòl. Sauta pas jamai e tot còp se servís d'una liana per acorchar. Es plan rare de veire lo pòtto davalar per tèrra ont es una preda aisida.



Viu sol levat a la sason de la reproduccion. Al cap de sièis meses, la femèla aurà un pichon que demorà arrapat al ventre de la maire.

Es pas de bon observar, lo pòtto. S'amaga dins lo fulham dels arbres per se parar dels predators, coma lo piton o la panèra. Per escapar a sos enemics, li arriba de se daissar tombar pel sòl.

